

2 Korinfliklar 1:2-4 Otamiz Xudo va Rabbimiz Iso Masih sizlarga inoyatu tinchlik ato qilsin. 3 Rabbimiz Iso Masihning otasi Xudoga, har turli tasallining manbayi bo'lgan Xudo — marhamatli Otaga hamdu sanolar bo'lsin! 4 Har xil azob-uqubatlarga uchraganimizda Xudo bizga tasalli beradi. Shunday ekan, biz ham azob chekayotgan insonga tasalli bera olamiz. Xudo bizga bergen tasalli bilan uni ovuntira olamiz.

Sulaymonning Hikmatlari 15:13 Yurak shod bo'lsa, chehra ochiq, g'amgin bo'lsa, ruh tushkundir.

3 Shohlar 8:66 Chayla bayramidan keyin Sulaymon xalqqa ruxsat berdi, xalq shohni duo qildi. Shundan keyin Egamiz O'z quli Dovudga va Isroil xalqiga ko'rsatgan muruvvati tufayli hammaning ko'ngli shodlikka to'lib, uylariga qaytib ketdilar.

1 Kitobi 16:10 Egamizning muqaddas nomi ila faxrlaning, Egamizga yuz burganlarning qalbi shodlikka to'lsin.

Sulaymonning Hikmatlari 12:25 Yurakdagagi qayg'u-alam odamni ezadi, shirin so'z esa yurakni shod etadi.

Sulaymonning Hikmatlari 13:12 Ro'yobga chiqmagan umid yurakni ezadi, ushalgan orzu esa hayot daraxtidir.

Ishayo 30:26 Oy quyoshga o'xshab nur sochadi. Quyosh esa yetti barobar ko'proq nur beradi, yetti kunlik yorug'ligini sochadi. Egam O'z xalqining yaralarini bog'lab, O'zi keltirgan jarohatlarga shifo bergen kun shunday bo'ladi.

Xo'sheya 13:8 Bolalaridan ayrilgan ona ayiq kabi tashlanaman, Seni tilkapa qilaman. O'sha joydayoq seni sherday g'ajiyman, Yirtqichga o'xshab seni qonga belayman.

1 Shohlar 1:8,10 Eri Elqana esa: — Xanna, nega yig'layapsan, nimaga ovqat yemayapsan? — derdi. — Nimaga bu qadar g'amginsan? Sen uchun men o'nta o'g'ildan ham afzal emasmanmi?! 10 Xanna dili xuhton, achchiq-achchiq yig'lab, Egamizga ibodat qilib

Zabur 24:16,17 Ey Egam, holimga boq, mehribonlik qil. Men yolg'izman, tushkunlikka tushganman. 17 Yurakdagagi g'amlarim ortib bormoqda, Shu kulfatdan meni qutqargin.

Zabur 33:19 Ko'ngli cho'kkanylarga Egamiz yaqindir, Ruhan ezilganlarni U qutqaradi.

Zabur 37:9 Sillam qurib, tamom ezildim, Yurakdagagi alamdan nola qilaman.

Zabur 54:5 Yuragim hasratga to'ladir, O'lim vahimasi meni bosib keladir.

Zabur 60:3,4 Yerning u chetidan Senga yolvoraman, Yuragim qon bo'lganda, Seni chaqiraman. Yetib bo'lmash baland qoyaga meni olib chiqqin. 4 Sen

mening panohim bo'lgandirsan, Dushmanimga qarshi mustahkam minorasan.

Zabur 61:9 Ey xalqim, umid qil Xudodan, Yuragingni ochgin doimo Unga, Bizning panohimiz Xudodir.

Zabur 72:26 Tugab borishi mumkin tanamu qalbim, Ammo Sen, ey Xudo, qalbimning quvvatsian, Sen to abad barqarorligimsan.

Zabur 76:3,4 Qayg'uli kunimda Rabbiyga intildim, Tunda qo'llarimni ko'tarib iltijo qildim, Jonim tasalli topishni rad etdi. 4 Ey Xudo, Seni o'ylaganimda, Fig'on chekaman, ruhim zaiflashadi.

Zabur 85:11 Yo'lingni menga ko'rsat, ey Egam, Toki to'g'ri so'qmoqlaringdan yuray, Menga sobit qalb bergin, Men Sendan qo'rquayin.

Zabur 108:22 Men bir bechora, yo'qsilman, Ichimda yuragim yaralangandir.

Zabur 111:7,8 U yomon xabardan qo'rqumaydi, Butun yurakdan Egamizga umid bog'laydi. 8 Yuragi barqarordir, qo'rquv nimaligini bilmaydi, Oxiri dushmanlari mag'lubiyatini o'z ko'zi bilan ko'radi.

Zabur 142:4 Shu bois ichimda ruhim so'Igan, Yuragim qo'rquvdan uvishib qolgan.

Zabur 146:3 Ezilgan ko'ngillarga U shifo beradi, Ularning yaralariga malham qo'yadi.

Sulaymonning Hikmatlari 14:30 Xotirjam yurak tanaga hayot baxsh etadi, hasadgo'ylik esa suyaklarni chiritadi.

Voiz 1:13 O'zimni donolik bilan izlanishga, mana shu dunyoda bo'layotgan hamma ishlarni tushunishga bag'ishladim. Xudo insonga bergen bu ish qanday qayg'uli-a!

Voiz 2:10 O'zim xohlagan hamma narsani oldim, ko'nglim istaganini qildim. Qilgan har bir ishidan jonim rohatlandi, bu qilgan mehnatlarim evaziga kelgan mukofot edi.

Voiz 2:22,23 Bu dunyoda qilgan mehnati va tirishqoqligi uchun odam qanday foyda olarkan-a?! 23 Axir, uning kunlari dardga to'la bo'lsa, qayg'udan boshi chiqmasa, hattoki kechalari ham dam ololmasa. Eh, bu ham behuda!

Voiz 11:10 Qayg'urmagan, tanang og'riqni bilmasin, chunki yoshlik, hayot tongi yelday tez o'tib ketadi.

Ishayo 30:29 Sizlar esa muqaddas bayram oqshomidagiday qo'shiqlar kuylaysiz. Egamizning tog'iga, Isroil xalqining Qoyasiga nay sadolari ostida borayotganlarday yuraklaringiz shodlikka to'ladi.

Ishayo 57:15 Yuksak, yuqori bo'Igan, abadiy yashaydigan Egamiz, Nomi muqaddas Egamiz shunday aytmoqda: "Men yuksakda, muqaddas maskanda yashayman. Kamtarlar ruhini qayta tiklay, deb Itoatkorlar qalbini jonlantiray, deb Ruhi kamtar, itoatkor odamlar bilan birkaman.

Ishayo 65:14 Mana, qalblari shodlikka to'lib, Mening qullarim qo'shiqlar kuylaydi. Sizlar esa yuragingizdag'i qayg'udan dod-voy qilasiz, Ezilgan

ruhingiz tufayli uvullab yig'laysiz.

Ishayo 66:13,14 Bolasini ovutgan bir ona kabi Men ham sizlarni ovutaman.

Sizlar Quddusda tasalli topasiz.” 14 Bularni ko‘rib, qalbingiz shodlikka to‘ladi, Tanangiz yangi maysa kabi hayot bilan to‘liq bo‘ladi. Egamiz O‘z qullariga qudratini, Dushmanlariga esa g‘azabini ko‘rsatadi.

Yeremiyo 15:16 Aytgan har bir so‘zingga tashna edim. So‘zlaringdan shodlanar edim, So‘zlaring dilimga quvonch bag‘ishlar edi. Zero, men Senga tegishliman, Ey Parvardigori Olam — Egamiz.

Yeremiyo 24:7 Qalblariga Meni bilish istagini solaman, ular Meni, Egamiz, deb tan oladilar. Butun qalblari bilan Menga qaytadilar. Ular Mening xalqim, Men esa ularning Xodosi bo‘laman.”

Yohanno 14:1 Iso shogirdlariga dedi: — Yuragingiz siqilmasin. Xudoga ishoning, Menga ham ishoning!

Yohanno 14:27 Men sizlarga tinchlikni qoldiryapman. O‘z tinchligimni sizlarga beryapman. Men berayotgan tinchlik dunyo beradigan tinchlikka o‘xshamaydi. Yuragingiz siqilmasin, qo‘rqmanglar.

Yohanno 16:6 Bularni aytganim uchun, dilingiz g‘am-qayg‘uga botgan.

Yohanno 16:22 Shunga o‘xshab sizlar ham hozir g‘am-qayg‘u chekyapsizlar. Lekin Men sizlarni yana ko‘raman. Shunda yuragingiz quvonchga to‘ladi. Quvonchingizni sizlardan hech kim tortib olmaydi.

Faoliyati 2:46 Imonlilar har kuni Ma‘badda yig‘ilardilar. Bir-birlarinikiga mehmonga borganda esa Rabbimiz Isoni xotirlash uchun non sindirardilar, yurakdan sevinib, soddadillik bilan ovqatlanishardi.

Rimliklarga 9:2 O‘z xalqim uchun chuqur qayg‘uga botgan yuragim muttasil alam chekmoqda.

2 Korinfliklar 2:4 Sizlarni xafa qilish uchun emas, balki sizlarni qanchalik yaxshi ko‘rishimni ko‘rsatish uchun o‘sha maktubni yozgan edim. U maktub chuqur qayg‘u, iztirob va ko‘z yoshlari bilan yozilgandi.

Efesliklar 5:19 Birga yig‘ilganingizda sanolar, ruhiy madhiyalaru qo‘shiqlar kuylanglar. Musiqa asboblariyu xonishlaringiz bilan chin yurakdan Rabbimizga hamdlar ayting.

Pastor T. John Franklin

Church of Salvation, Healing, and Deliverance

COS-HAD.org